



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

XV. Heinrich, Heyne, Heyne und Claus Rathenow verkaufen der Stadt Wusterhausen einige Ländereien daselbst, im Jahre 1445.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

XII. Die Grafen Ulrich, Albrecht und Günther von Lindow verpfänden der Stadt Wusterhausen die andere Hälfte der Einkünfte aus dem Schulzengerichte daselbst, im Jahre 1377.

Wy Ulrich, Albrecht unde Günther, Broder, van der Gnaden Godes Grafen tu Lindowe, bekennen oppenlich in dessen Briefe, det Wie mit Rade unfer truwen Rathgeber unde met guden Willen, hebben geleghen und lygen unfen liewen unde getrowen Rathmannen tu Wusterhusen dat Schulten Ambacht unde dat tu richtende, als et sick tu dem Ambachte behört, an dem hochsten unde an dem tietsten, mit aller Nut, Frucht*) unde met aller Gebrackenge unde Freyheit, so als sie die eine Hälfte vor van unfen Aldern unde van uns hebben, als wie em die vorbrieffet hebben, vor viefe und viertig Mark Brandenburg. Silvers unde Wicht, die sie uns met redenen Silver nach Genughe bereidet hebben: unde wy hebben die vort in unse unde in Unser Erven Nut gekehret. Unde obbe welke Tit wie oder unse Erve det vor benömete halve Gerichte wedder losen willen van den vorbenömeten Unfen Rathmannen oder van oren Nakomelinken unde van der Stadt, dat möge wie duhn um so vole Geldes, als it em steit, als hier vorgeschreven steit, unde sie scholn uns dat unvortogentlich den antuorden**), wenn wie onn***) de vorbeschrevene fif unde viritig Mark gegeben und bereitet hebben. Unde wie hebben em tu Orkunde dessen Brieff gegeben, vorsegelt met unsem Ingesegel. Tüge dessen Ding sind die duchtige ehrliche Lüde Herr Lüppold van Bredow, Herr Otto Woldege, Edward Dribow, Henning Wutenow, Hans van der Hage, unde ander ehrbarer Lüde genug, den menn wohl geloven mag. Gegeben tu Wusterhusen, na Godes Bord drüttein hundert Jahre, darna in dem seven unde seventigsten Jahre, des Montages vor Viti unde Modesti der heiligen Mertelere.

Dieterich a. a. D. S. 78. 79.

XIII. „Ein Grenz-Documentum über die Landwehre nach Kyritz, Lebbin und Mänitz werts Alberti comitis de Lyndow, Gegewen Altruppin 1379“.

Dies Document ist in dem Grund- und Lagerbuche der Stadt Wusterhausen vom Jahre 1744, als um diese Zeit noch existierend angeführt, jetzt jedoch nicht mehr vorhanden.

XIV. „Ein Grenz-Document wegen der Mark-Scheidung von Brunn und Doyen Garh Ulrichs und Günthers Gebrüdere, Grafen zu Lindow, de anno 1407“.

(wie bei Nr. 13.)

XV. Heinrich, Heyne, Heyne und Claus Rathenow verkaufen der Stadt Wusterhausen einige Ländereien daselbst, im Jahre 1445.

Wy Hinrick Heyne, Heyne und Clawes; alle genannt dy Rathenow, bekennen apenbar vor uns, unse Erven und vor alsweme, die dessen brieff sijn, horen edder lesen, dat wie mit Vul-

*) Dieterich: Wilsfrucht. **) Dieterich: amüben. ***) Dieterich: am.

horde des eddeln und wolgebarn Herrn, Herrn Albrechte, Graven van Lindow und Herrn tho Ruppin, vnfers gnedigen Herrn, recht und redelicken verkofft hebben, und verkopen in Kraft deses brieves tho eynem ewigen Kope, den erfamen Borgermeistern und Rathmannen tho Wusterhufen dat Land, Water, Holte, Weyde gewonnen unde ungewonnen, wu me dat numen schal, dat dar gheidt van der Klempenouwische Lake an, wente an den negesten Gravn, mit aller Freiheid und Rechteiden, nictes utgenamen, so als dat unse Olderen und wie gehed hebben, und als wie dat mid en uthgeredet hebben, als nemlicken von dem Buholte an wente in die Doffe, dat dat die Markscheidinge bliven schal, tho ewigen tyder. Vor dyt vorsehreven Land, Water, Holte, unde Weyde gewonnen und ungewonnen hebben uns die vorsehrevene Borgermeister unde Rathmann to Wusterhufen, als nemliken Clawes Matzen, Jacob Fedeler, Arnd Mefsmacker, Hans Rogelin, Cone Schonermarke, Clawes Kerwedder, Cöne Lieffeld und Hans Akmann gegeben virtich Schock wanliker Munthe, twe Pund vor jewelik Schock to reken, dy sie uns wol to Dancke an einer Summen bereidet und vernuget hebben, Die wy vort in unse nud und framen gekeret hebben: und solen sik des Landes, Water, Holte, Grafynge und Weyde gewonnen und ungewonnen bruken to ewygen Tyden: Und willen en des eyn recht Gewer wesen, vor uns, unse Erven und vor eyn yedermann, dy vor recht kamen wil, wu waken en des behuff und nod ys. Hyran und over syn gewesen Clawes Mefenberch und Clawes van der Lynden. Det to grotter Bekanntnisse hebben wir vorsehreven Heinrik, Heyne, Heyne und Clawes, alle genand dy Rathenow, unse Ingefegel mid wiffchopp und guten Willen hengen laten an dessen unsen apen Brieff, dy gegeben ys tho Wusterhufen, nach Borth Cristi vierteyn hundert darnach in dem vieff und viertegiften Jaren, am Sunthe Johannes Daghe medden Samer.

Nach Dieterich a. a. D. S. 95. 96.

XVI. Der Rath der Stadt Wusterhausen gelobt dem Claus Frieße und dessen Erben, die Hebungun, welche Graf Albrecht ihm aus der Urbede zu Wusterhausen verkauft habe, bis zum erfolgenden Rückkaufe richtig abzuführen, im Jahre 1450.

Wy Arnt Meftmeker, Clawes Kerwedder, Hans Raghelin, Clawes Kruse, Cone Reefelt, Ghise Kabbutz, Jacob Veddeler unde Balte Wagenitze, In dessem gegenwardighen jare Radmanne der Stad Wusterhufen, Betughen unde bekeunen vor alle den ghenen, de dessen breff seen edder horen lesen, Dat wy ghelavet hebben unde gelaven myt orkunde des gegenwardigen breves deme vorsichtigen Manne olde Claws Frysen unde synen rechten erven to ghevende unde wol to bereydende alle jar ane XX groschen III schok jarliker renthe, twe pund vor eyn schok wanlikes geldes, alse in deme lande to Ruppin ghenghe unde gheve is, alle jar to bereydende, XX Kroschen unde en schok uppe sunte Walburghes daghe unde XX Kroschen unde en schock uppe sunte Mertens daghe, de wyle dat dosse Koep steyt, van unseme Radhuse unfer vorbenomenen Stad Wusterhufen, van unses gnedigen heren wegen, Heren Albrechte, greve van Lindow unde Here to Ruppin, uth syner orbode, de em Clawes Fryse ave ghekoft heft vor achendich ghude Rinsche gulden, de em Clawes Fryse tor nughe wol bereydet heft. Desfulven bescheyden kopes heft unse gnedige Here enen wedderkop beholden. — Ok est Clawes Fryse den summen goldes edder renthe vorgehen wolde to testamente, edder wo der mathen hy dat gheve by syneme levende edder in syne